



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum de Calce XVI

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

BRASAVOLI

tione medicamentorum per genera, ubi inscriptio est
Aliud melinum emolliēs Diophātis, aphra nominatur.
Recipe uisci elaborati pondo

Ceræ pondo

Resinæ terebinthinæ pondo

Chalbani unc. III.

Liquefactis utitor. SE. Illa quæ superius enumerata
sunt mihi uidentur magis emollientia. BRAS. Ita
profectò est. at Galenus de emolliētibus, malagmatibus
ue ubertim egit in septimo de Compositione medicame-
torum per genera, & multa huius generis medicamen-
ta adducit cum antiquatū recentia. multa præterea ma-
lagmatum genera à Paulo referūtur libro septimo, ca-
pite decimo octauo, tñ emollientia et malagmata quæ
bus in præsentiarum utimur, nō minus uehementia sunt,
quam antiqua. reliquum uero est ut ad alia unguento-
rum genera referenda te accingas.

SENE X.

XVI.

Iam accinctus sum, & unguentum de Calce sese offert
considerandum. BRAS. Quem authorem habet? SE.
Rasim. BRAS. Habet & Auicennam in quinto libro
Fen quarta, tractatu secūdo, capite quartodecimo. SE.
Quo illud conficit Auicenna? BRAS. Inquit, Summa-
tur calx, & septies abluatur, donec ipsius acuitas tota
remoueatur, deinde oleo rosaceo conquassetur, aut oleo
oliuæ, & pauca cera, si indiget ea. SE. Cur dixit si in-
diget ea? BRAS. Quia si medicus, & pharmacopola
uiderint quod absq; cera inherere posset, cera non esset
addenda. SE. Eadem compositionem & ego conficio
sed

sed semper addo ceram, nec calcem septies tantum abluo,
sed pluries, ut ita constet compositio quam paro.

Recipe calcis sepius lotæ unc. I.

Olei rosati quantum sufficit.

Misce, et in mortario plumbeo probe agitentur, postea
non nihil ceræ addatur. BRAS. Multi sunt qui ceram
non addunt, & alij ita conficiunt ut sequitur, & tanta
quantitate.

Recipe calcis lotæ unc. VI.

Olei rosati lib. I.

Ceræ albæ unc. II

Misce. SE. Mihi potius placet ut in omnibus compo=
sitionibus nulla adhibeatur ceræ mēsurā, sed apponatur
quantum sufficit, quoniā (ut arbitror) duæ unc. faciēt
ualde molle unguentum. BRAS. Immo oportet ut in
adustionibus sit tenellum eiusmodi unguentum. sunt
uero Ferrariæ qui ita conficiant.

Recipe calcis lotæ puluerizatae lib. I. & semis

Olei rosati unc. VI.

Ceræ albæ unc. I.

Misce. SE. Hoc non erit ualde molle, sed duriusculum
potius euadet. BRAS. A medicis iubetur oleo ro=
saceo semolliri, & ad illam liquiditatem perduci quæ
conueniet, & quæ illi placuerit. uidi & nonnullos phar=
macopolas, qui uiuam calcem accipiunt, illamq; decies
in feruentem aquam iniiciunt, postea linteo percolant,
& calcem ad umbram exiccant, ad ususq; seruant, nec
unquam unguentum conficiunt, nisi cum opus est, & cū
eo indigent, postea cū à medicis indicitur oleo rosaceo
mifcent, ac cerā, & illico conficiunt. SE. Neq; hi mihi
displicent.

displicent. BRASA. Non displicent, quia breui fit, at si ipse indigeres displicerent, quoniam qui combusti sunt, non habent expectandi tempus, alij sunt Ferraria qui in hac quantitate conficiunt.

Recipe olei rosacei unc. III.

Ceræ albæ

Calcis lotæ

Singul. unc. I.

Misce. SE. In sola simplicium quantitate differt.

BRAS. Alij etiam sunt qui ita parant.

Recipe calcis uiuæ bene lotæ aqua clara pluribus lotionibus quousq; amiserit acuitatem unc. I.

Olei rosati unc. III.

Misce in mortario absq; igne. SE. Hi ceram non addunt? BRASA. Non prorsus. SE. Miscentur ne alia quandoq; in hac compositione præter oleum, calcem, & ceram? BRAS. Auicenna dicit, & fortasse addantur supra ipsum chimelea, & albumen oui, & pirum uini. arbitrator uinum additum esse ad penetrandum, uel etiam quia membra roborat. cum opus est unguentum hoc liquefacere, ego semper oleo rosaceo omphacino liquefieri iubeo, cumq; tu unguentum ipsum parabis omphacino semper parato, & quamuis Auicenna conficiat quãdoq; ex oliuarum oleo, intellige immaturarũ, quãquam hoc non expresserit. SE. Nulla igitur alia præter hanc inuenitur compositio? BRAS. Altera adest apud Auicenam eodem loco, cum ait, Unguentum calcis cum modo alio. Abluatur calx ut sciuisti, idest ut superius dictum est. s. septies secundum ipsum, & fiat ex ea cum aqua foliorum siclæ, idest bletæ, & cum aqua foliorum caulis, & oleo rosaceo, & cera unguentum.

SE.

SE. Utuntur ne medici hoc unguento ad alios usus q̄ ad combusta? BRAS. Non ne est hic ipsius magnus usus? SE. Immo maximus, tamē arbitrabar & ad alia conuenire. BRAS. Conuenit etiam inflammationibus, quæ ob ignem excitatæ nō sunt, sed sponte e nostro corpe ob acutos, & calidissimos humores, quos natura per cutim emittit, prodeunt. SE. Reperitur ne apud antiquos eiusmodi compositio? BRAS. Non quod sciuerim. SE. Ad alia igitur unguentorum genera cōtemplanda accedamus. BRASA. Abre non erit, ne tempus in cassum conteratur.

S E N E X X V I I .

Vnguentum de Gūmi helemi in examen uenit. BRASA. De hoc gummi in nostro simplicium examine copiose locuti sumus, uerum à quo authore unguentū istud accepisti? SE. Ipsius authorem ignoro. BRASA. Neq; ego unde ortū habuerit scio, arbitror fuisse medicum aliquem recētem, qui compositionem illam parauerit, postea fieri iusserit, & apud pharmacopolas dimiserit, nam raro in alijs Italiae urbibus præterquā Ferrariæ inuenitur, q̄q̄ Conciliatori attribuitur eiusmodi unguētum. SE. Immo neq; Ferrariæ pharmacopolæ omnes hoc seruant, & ut ingenue fatear diem referre nescirem, in quo uel huius unguenti semiunciam uenderim, nam pixis ita plena est, ut illam facta cōpositione reposui, nisi ob æstus, & t̄pis curriculum decreuerit. BRAS. Compositionē ipsam referto. SE. Hæc est.

Recipe resinæ pini

Ceræ citrinæ

} Singul. unc. I.

Corticum